



NEŠTO VIŠE

UDRUŽENJE GRAĐANA NEŠTO VIŠE
УДРУЖЕЊЕ ГРАЂАНА НЕШТО ВИШЕ
BOSNA I HERCEGOVINA

GODIŠNJI IZVJEŠTAJ 2024.



Aleksandar
Bundalo
IZVRŠNI
DIREKTOR

DRAGI PRIJATELJI

Ova godina je bila duža za jedan dan ali je prošla brzo kao i obična godina . Kao i svake godine da bi smo započeli nešto novo, morali smo završiti neke „stare“ projekte i na tim rezultatima dati priliku novim idejama. Uvijek ima novih izazova i novih oblasti koje jednostavno zovu da budu istražene. Prije par godina započeli smo projekat koji želi dati doprinos u oblasti radnih prava, koristeći digitalne alate. Sa ovim projektom smo otvorili novu oblast, digitalizacija, koja iako se svakodnevno susrećemo sa njom predstavlja izazov za nas. Digitalizacija, postaje dio skoro svake aktivnosti u gotovo svim projektima koji se realizuju u ovom sektoru, a mi smo dodatno napravili iskorak i kreirali projekat koji doprinosi povećanju zapošljivosti osoba s invaliditetom putem obrazovanja iz kibernetičke sigurnosti. Ovim projektom smo objedinili našu „staru“ strast, da učinimo što više možemo u unapređenju životnih uslova osoba sa invaliditetom sa digitalizacijom, a koja je bila nova stvar za nas. Sličan pristup smo imali u u projektu RISE, gdje smo našu želju da preduzetništvo učinimo dostupnim svima kombinovali sa novim pristupima u ovoj oblasti. RISE traje već šest godina što je sigurno dobar pokazatelj koliko smo zajedno uspjeli da sa partnerima mobilishemo i donatorsku zajednicu ali i mlade ljude bez kojih ovo ne bi imalo smisla. Nastavili smo da radimo na našem permakulturnom imanju i da edukujemo i podstičemo mlade ljude da se brinu o prirodi jer ono što joj damo to će nam i vratiti. Završili smo jedan veliki i značajan projekat Mostar, Prostori koji pokreću, i zajedno sa našim partnerima dali svoj skroman doprinos razvoju Grada Mostar. Ova 2024, biti će vjerovatno, između ostalog, zapamćena kao godina kada smo ozbiljnije krenuli u regionalnu saradnju. RISE je bio jedini projekat koji smo radili na regionalnom nivou a ove godine učestvujemo u dva dodatna projekta. Pored otvaranja na regionalnom nivou, otvorili smo i dvije jako zanimljive teme, zaštita kulturnog naslijeđa u BiH i pravo na zajedničku imovinu/naslijeđe.

I za kraj imali smo promjena u osoblju, neko je otišao za novim izazovima, neko je nas prepoznao kao izazov. I ono što nam je veoma važno, fond koji smo pokrenuli u znak sjećanja na našu Sanju, koja nas je prerano napustila, izabrali smo i drugog stipendistu u okviru Programa stipendiranja Sanja Đermanović Bundalo.

Budite sretni, pažljivi i tražite izazove, jer to nas čini boljim ljudima



Ko smo mi

Udruženje građana "NEŠTO VIŠE" je nevladina organizacija osnovana 1997. godine od strane grupe mladih ljudi iskusnih u radu sa organizacijama iz sektora civilnog društva u Bosni i Hercegovini (BiH). Izdavanjem rješenja RU-88/03 od strane Ministarstva pravde Bosne i Hercegovine, Udruženje stiče status organizacije registrovane na državnom nivou. Naši programi i projekti su realizovani u preko 70 gradova u Bosni i Hercegovini.

Naša vizija

Bosansko-hercegovačko društvo koje je moralno, odgovorno i tolerantno, podstiče kompetentnost, sigurnost i zajedništvo kroz uzajamnu brigu pojedinca i zajednice.

Naša misija

"Nešto Više" potiče pozitivne promjene u društvu pružanjem šanse pojedincima i grupama da se kroz formalno i neformalno obrazovanje, umrežavanje, rad, zajednička iskustva i pomoć drugima izgrade u kompetentne i odgovorne lidere koji vjerujući u sebe i druge gaje otvorenost i pripadnost svom društvu.

Naš moto

Učenje kroz rad.

Naši Ciljevi

- Povezivanje i razmjena iskustava građana iz BiH sa građanima iz Evrope i svijeta;
- Saradnja sa evropskim i svjetskim udruženjima i institucijama slične programske orijentacije;
- Očuvanje i razvijanje prirodnog, te kulturno-istorijskog nasljeđa;
- Zaštita životne sredine, energetska efikasnost i obnovljivi izvori energije;
- Zalaganje za razvoj poljoprivrede, sa naglaskom na organsku;
- Promoviranje i prakticiranje permakulture;
- Sveobuhvatan razvoj ruralnih područja;
- Zaštita i unapređenje mentalnog zdravlja, te osnaživanje i promoviranje zdravih životnih stilova;
- Ekonomsko osnaživanje ranjivih kategorija društva: mladih, žena, osoba sa invaliditetom, stanovnika ruralnih područja, nezaposlenih;
- Rad sa i za osobe sa invaliditetom u cilju njihove sveobuhvatne inkluzije u društvo;
- Pružanje raznih oblika pomoći ugroženim kategorijama u društvu;
- Poboljšanje socijalno ekonomskih uslova života u BiH;
- Podsticanje i razvoj preduzetništva mladih i stanovnika ruralnih područja
- Unapređenje poslovanja preduzetnika i preduzeća;
- Razbijanje predrasuda i zatvorenih sistema vrijednosti u BiH;
- Rad sa učenicima i studentima, te poboljšavanje uslova obrazovanja i studiranja;
- Podsticanje liderstva;
- Institucionalno jačanje i razvoj samog Udruženja kroz stalnu edukaciju članova i zaposlenih, primjenu savremenih metoda u radu, angažovanje kvalitetnih vanjskih saradnika i stvaranje partnerske mreže;

NEŠTO VIŠE



Geografsko prisustvo

Udruženje građana „Nešto više“ ima tri službene kancelarije: Centralnu Sarajevo, Područnu kancelariju Mostar i Područnu kancelariju Istočno Novo Sarajevo.

Osoblje Udruženja radi i živi u četiri grada Bosne i Hercegovine: Sarajevu, Banja Luci, Mostaru i Istočnom Sarajevu. Mostarski ured Udruženja nalazi se na imanju Udruženja u Humilišanima, gdje su stvoreni svi potrebni uslovi za rad osoblja - renovirana je jedna zgrada na imanju tako da se u njoj nalaze kancelarije, učionice i konferencijski prostor.

U cilju osiguranja održivosti, Udruženje je osnovalo vlastito socijalno preduzeće EkoDizajn d.o.o. koja se bavi proizvodnjom organskih sadnica, uređenjem dvorišta i voćnjaka po principima permakulture i organizacijom događaja, obuka.

UG Nešto Više djeluje širom Bosne i Hercegovine, tako da smo u posljednjih 25 godina realizovali projekte u preko 80 različitih lokalnih zajednica u BiH i organizovali preko stotinu volonterskih akcija u isto toliko zajednica.

KANCELARIJE

Sarajevo
Dobrinja, Trg Sabora bosanskog
36, 71000 Sarajevo, BiH

Mostar
Humilišani bb,
88000 Mostar, BiH

Istočno Novo Sarajevo
Hilandarska 16,

TIM UG NEŠTO VIŠE

Godišnji izvještaj 2024.



Aleksandar Bundalo, Izvršni direktor, Diplomirani menadžer, Saint Johns University/College of Saint Benedict, MN, SAD
Vanja Sudar, Menadžer programa rodne ravnopravnosti i promocije, Diplomirani sociolog i diplomant mirovnih studija, College of Saint Benedict/Saint Johns University, MN, SAD
Adem Lisičić, Menadžer programa preduzetništva i promocije, Diplomant društvenih nauka, Odsjek filmske produkcije, Saint Johns University/College of Saint Benedict, MN, SAD
Duško Cvjetinović, Menadžer omladinskih programa i finansija, Diplomirani inženjer elektrotehnike (Tehnički fakultet Čačak, Republika Srbija),
Željka Rubinić, Projekt asistent, Agronom, Univerzitet Mostar
Muhammed Garib, Agronom, Univerzitet Mostar
Maid Maksumić, Projekt koordinatorka, Agronom, Magistar agronomije, Univerzitet Mostar
Amra Fejzić, Projekt koordinatorka, Magistar političkih nauka, Fakultet političkih nauka Univerziteta u Sarajevu.
Sonja Vuković, Finansijski administrator, Diplomirani ekonomista, Univerzitet za poslovne studije, Fakultet za primijenjenu ekonomiju, Istočno Sarajevo
Adnan Čavčić dipl.ecc, Univerzitet u Sarajevu - eksterni saradnik
Andrea Rodić, Projekt asistent, Poslovno-pravni tehničar, Ekonomska škola, Banja Luka, Student druga godina, Banja Luka College, Banja Luka
Mevlida Gabeljić, projekt asistent, Srednja trgovačka Sarajevo



Naši projekti

EU4ALL

(2022.-2024.)

Opšti cilj projekta je „Promocija vrijednosti Evropske unije u Republici Srpskoj i Brčko Distriktu kroz multisektorsku saradnju“ kako bi, između ostalog, mladi stekli nova znanja o Evropskoj uniji, njenom razvoju, institucijama, nadležnosti, pravnom sistemu, politikama i aktivnostima koje sprovodi EU, te o teritoriji i njenom stanovništvu. Ovaj projekat UG “NEŠTO VIŠE” realizuje sa PRONI, vodećim partnerom. Projekat se realizuje u bliskoj saradnji sa DEU. Ovim projektom će se postići sljedeći konkretni ciljevi:

1. Informisati i obučiti predstavnike NVO, biznisa i institucija o radu Evropske unije u BiH i ponuđenim mogućnostima.
2. Podići svijest ciljne grupe o integraciji Bosne i Hercegovine u Evropsku uniju.
3. Izgraditi dijalog između svih relevantnih aktera, u Republici Srpskoj i Brčko Distriktu, kako bi se promovirali procesi evropskih integracija BiH i poboljšala komunikacija između svih relevantnih aktera o mogućnostima i sigurnosti koje nudi Evropska unija za njihovu budućnost.
4. Usvojiti i primijeniti univerzalne vrijednosti koje promovira Evropska unija kroz obuke/radionice i izgraditi interne kapacitete za učešće, partnerstvo i vođenje EU projekata.

Projekat finansira Evropska unija

Vrijednost projekta: 292.500 KM



Godišnji izvještaj 2024.



Sufinansira
Evropska unija



Naši projekti

Program zadržavanja mladih u BiH - „Opća mobilizacija“

(2021-2024.)

Projekt podržava saradnju između sektora koji do sada nisu zajednički sudjelovali u rješavanju problema odlaska mladih iz BiH, odnosno omladinskih organizacija i poduzetnika, odnosno poslodavaca. Opći cilj projekta je ojačati kapacitet omladinskih OCD za učešće u reformi obrazovanja i zapošljavanja kako bi zadržali mlade u BiH. Specifični ciljevi projekta su: Uspostaviti međusektorsku mrežu stručnjaka za mlade i preduzetnika za zagovaranje u zapošljavanju i obrazovanju; Ojačati kapacitete i kompetencije mladih OCD u cilju povećanja uticaja zagovaranja na unapređenje politika, pravila i strategija u oblasti zapošljavanja i obrazovanja; Poboljšati pravni i politički okvir za mlade kroz saradnju između relevantnih udruženja poslodavaca i relevantnih institucija na svim nivoima; Povećana svijest o ulozi i značaju gubitka omladinske populacije u BiH.

Projekat finansira Evropska unija

Vrijednost projekta: 1.087.600 KM



Naši projekti

Projekat MoSTAR - Prostori koji pokreću i obnavljaju

(2021.-2024.)

Projekt ima za cilj unaprijediti sadržaje i korištenje javnih prostora u Mostaru kroz aktivno uključivanje građana/ki i potporu njihovim inicijativama koje doprinose kvaliteti građanskog, kulturnog i gospodarskog života u Gradu Mostaru. Projektom se namjerava podržati građane/ke i lokalne vlasti da učinkovito koriste nove vještine, alate i mehanizme za rješavanje prioriteta na uključiv, rodno osjetljiv, participativan i sustavan način. Projekt će izravno dodijeliti sredstva za financiranje infrastrukturnih projekata i intervencija u javnom prostoru, kao i inicijativa koje će voditi i koje su dizajnirane od strane građana/ki, a koje se odnose na zajednički javni prostor i zajedničke aktivnosti.

Nositelj projekta je People in Need (PIN), sa partnerima: Everyday Peace Indicators (EPI), Omladinski Kulturni centar Abrašević (OKC Abrašević), Agencija lokalne demokratije Mostar (LDA Mostar) i Nešto Više (NV).

Projekat finansira Government of the United Kingdom

Vrijednost projekta: 3.000.000 GBP



British Embassy
Sarajevo



UKaid
from the British people



Godišnji izvještaj 2024



Naši projekti

Partnerstvom do Posla

(2022.-2024.)

Cilj projekta je kreirati funkcionalan LPZ (Lokalno partnerstvo za zapošljavanje) u općini Banovići između lokalne uprave, službe za zapošljavanje, kompanija, obrazovnih institucija i nevladinih organizacija. Cilj LPZa je zaposliti osobe nakon procesa stručnog usavršavanja, prekvalifikacija i obuka za pokretanje sopstvenih biznisa za osobe koje su nezaposlene i koje pripadaju teško zapošljivim kategorijama stanovništva. Pokrenuta su 3 nova biznisa. Zaposleno je preko 30 osoba. Obučeno je preko 80 osoba, najviše žena, za razna zanimanja a najviše za zanimanje krojačica. Projekat se realizuje u okviru „Podrška Evropske unije lokalnim partnerstvima za zapošljavanje – Faza II“ (LEP II) koji finansira Evropska unija u iznosu od 4 miliona Eura a realizuje putem Međunarodne organizacije rada (MOR/ILO) u BiH.

Projekat finansira Evropska unija i Općina Banovići

Vrijednost projekta: 332.000 KM



Općina Banovići



Godišnji izvještaj 2024.



 Projekat finansira
Evropska unija

 LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI

 International
Labour
Organization

Naši projekti

RISE - faza II

(2022.-2025.)

Regionalni inkubator za socijalne preduzetnike RISE je projekat za motivisane, predane mlade ljude, koji su spremni da uče i da donose promjene za dobrobit Zapadnog Balkana. Cilj je podržati socijalno preduzetničke ideje koje će region učiniti boljim mjestom.

RISE Journey posebno je prilagođen program u kojem je učešće besplatno i koji će pomoći mladim da nauče, rastu i naprave promjene u svojoj okolini. Usredsređeni na saradnju, razmjenu ideja i vršnjačko učenje.

Podržavamo timove iz BiH koji razvijaju ideju ili inovativno rješenje za novi i bolji pristup obrazovanju, osnaživanju žena, kulturi, ruralnom razvoju, zdravlju ili zaposlenosti u svojoj zajednici. RISE daje podršku kroz grantove za mobilnost i razvoj poslovanja.

RISE implementira: Balkan Green Foundation, ARNO, NEŠTO VIŠE, Smart Kolektiv, IPC Tehnopolis and Yunus Social Business Balkans.

Konzorcij projekta čine: PULSE Group, RYCO, SEEYN and OFAJ DFJW


Projekat finasira AFD - Agence Française de Développement, Europska unija i RYCO..

Vrijednost projekta: 150.000 KM



This project is supported by the Agence Française de Développement, the European Union and Regional Youth Cooperation Office.

Godišnji izvještaj 2024.



Sa zadovoljstvom objavujemo dvije izuzetne ideje za društveni biznis, For All Generations i NukeVrt. Odabrani timovi će učestvovati u RISE Incubation poglavlju i svaki tim će dobiti grant za razvoj biznisa i mobilnosti od €3.000

For All Generations

NukeVrt

RISE
REGIONAL INCUBATOR FOR
SOCIAL ENTREPRENEURS

BOSNIA AND HERZEGOVINA

MindOE je odabran da učestvuje u RISE Expedition, programu mobilnosti namijenjenom upoznavanju društvenih preduzetnika u regionu.
Nagrada €500

Logos of partner organizations: AFD, European Union, RYCO, OFAJ DFJW, PULSE Group, SEEYN, Balkan Green Foundation, IPC Tehnopolis, Smart Kolektiv, Yunus Social Business Balkans.



Naši projekti

Klimatski pametna zajednica

(2023.-2024.)

Glavni cilj projekta „Klimatski pametna zajednica“ bio je podizanje svijesti i edukacija stanovnika Mostara o utjecaju klimatskih promjena na sigurnost i stabilnost pojedinca, grupe i zajednice. Tijekom trajanja projekta rađeno je na edukaciji različitih skupina, uključujući najmlađe (od V do XI razreda), novinare, aktiviste, nevladine organizacije koje se bave ekologijom i zaštitom okoliša, lokalne farmere, pčelare, te sve zainteresirane građane i građanke.

Kroz radionice je prošlo veliki broj osoba. Sa najmlađima smo radili na posebno interaktivan način, uz demonstraciju na Permakulturnom imanju UG NV, upoznavanje s konceptima poput kompostiranja, malčiranja, eko cigli i drugih. U radu sa starijom populacijom, naglasak je bio na razvijanju svijesti, a tu su aktivnosti prepoznali i mediji koji su svesrdno izveštavali o svim događanjima na Permakulturnom imanju UG NV.

U okviru projekta "Klimatski pametna zajednica", Permakulturno imanje je steklo vrlo vrijednu opremu - Meteorološku stanicu. Podaci s ove stanice su dostupni putem aplikacije koja se može preuzeti ili preko stranica UG "NEŠTO VIŠE"

Projekat finansira: Ministarstvo vanjskih poslova Kraljevine Norveške

Vrijednost projekta: 7.601 EUR



Godišnji izvještaj 2024.



Klimatski pametna zajednica



Rad i unapređenje ljudskih prava kroz digitalizaciju

(2023.-2025.)

Projekat je usklađen sa globalnim pozivom za doprinos promociji i zaštiti ljudskih prava kako je navedeno u osnivačkoj povelji UN-a. Konkretno, projekat ima za cilj jačanje osnovnih sloboda, demokratije i vladavine prava u BiH. Fokusira se na podizanje svijesti, unapređenje znanja, te zaštitu i promociju prava grupa koje teže zaštiti ljudskih i radnih prava. Projekat realizuje LIR Evolution u saradnji sa „NEŠTO VIŠE“. Projekat će: 1) Sprovesti istraživanje i prikupiti znanja o ljudskim pravima na odabranim teritorijama; 2) Zalaže se za dostojanstven rad i poštovanje osnovnih radnih prava, uključujući sigurne i zdrave uslove rada; 3) Promovisati dužnu pažnju u poslovnim praksama, otvaranje visokokvalitetnih radnih mesta i ekonomsko osnaživanje; 4) Podsticati strukturirane i redovne dijaloge između državnih aktera, OCD-a i preduzeća o radnim pravima u digitalnom okruženju kako bi se promovisao pristup tehnologiji za marginalizovane grupe. Osim toga, projekat će uključiti marginaliziranu radnu populaciju i pružiti im informacije o njihovim radnim pravima i zaštiti zdravlja i sigurnosti na radu (OHS) kako bi im se omogućio dostojanstven rad, dostojanstvo, pravedna primanja i odgovarajući uslovi rada.

Projekat finansira Evropska unija

Vrijednost projekta: 210.657 EUR



Finansira
Evropska unija

Godišnji Izvještaj 2024



EU PODRSKA UNAPREĐENJU
RADNIH I LJUDSKIH PRAVA
KROZ DIGITALIZACIJU



Trening iz vještina komunikacija ima neprocjenjivu vrijednost u svijetu koji je globalan i u potpunosti umrežen, upotreba socijalnih mreža je postala sveprisutna i izuzetno moćna, ali sa tom moći dolazi i odgovornost. Duško Stojanović

LIR
evolution



Naši projekti

Prevenција i posljedice govora mržnje u medijima

(2023.-2024.)

Projekat ima za cilj Jačanje mira, sigurnosti, mentalnog zdravlja i jednakosti analizom govora mržnje u medijima u Bosni i Hercegovini i smanjenje njegove pojave i posljedica kroz radionice i kampanje zagovaranja.

Aktivnosti su: Istraživanje i analiza utjecaja govora mržnje na mir u Bosni i Hercegovini, njegovog utjecaja na mentalno zdravlje mladih, te njegovih učinaka na sigurnost i ravnopravnost. Analiza prisutnosti komentara i sadržaja koji se mogu okarakterizirati kao govor mržnje u elektronskim medijima u Bosni i Hercegovini. Radionice o prepoznavanju govora mržnje, prevenciji i otklanjanju njegovih posljedica. Radionice za predstavnike elektroničkih medija o izradi prijedloga i pronalaženju mogućnosti za smanjenje širenja govora mržnje u javnoj medijskoj sferi. Pokretanje zagovaračke kampanje o potrebi edukacije medijskih i obrazovnih djelatnika, ali i mladih o posljedicama i načinima sprječavanja govora mržnje. Edukativne radionice za djecu školske dobi o prepoznavanju, prevenciji i razumijevanju posljedica govora mržnje


Projekat finansira: Canada Fund for Local Initiatives

Vrijednost projekta: 60.986 KM



CFLI/FCIL
Canada Fund for Local Initiatives
Fonds canadien d'initiatives locales

ANALIZA PRISUSTVA
KOMENTARA I SADRŽAJA
U ONLINE MEDIJIMA
U BOSNI I HERCEGOVINI
KOJI SE MOGU OKARAKTERISATI
KAO GOVOR MRŽNJE.



ne moraju nužno odražavati stavove Vlade Kanade
may not reflect those of the Government of Canada

Preporuke za medije
Gođišnji izvještaj 2024.



PREVENCIJA
GOVORA MRŽNJE



Naši projekti

Podizanje svijesti o sigurnosti u saobraćaju kroz edukacije

(2024.)

Cilj projekta je unaprijediti saobraćajnu sigurnost djece i učenika kroz edukativne aktivnosti koje im omogućavaju razvijanje ključnih vještina, kompetencija i znanja u oblasti saobraćaja. Kroz interaktivna predavanja, prezentacije, edukativne filmove i edukativne radionice, projekt nastoji povećati saobraćajnu kulturu, sigurnost u saobraćaju i tehničku pismenost među učenicima osnovnih škola i djecom predškolskog uzrasta. Projekt se realizuje u nekoliko faza: u prvoj fazi kroz edukacije u školama, u drugoj fazi kroz radionice fokusirane na sigurnu vožnju bicikala, e-romobila, robotiku i 3D modeliranje saobraćajnih infrastrukture, te u trećoj fazi kroz prilagođene aktivnosti za djecu iz vrtića. Poseban naglasak stavlja se na inkluzivnost i razvoj tehničkih vještina djece, uključujući učenike sa teškoćama u razvoju.

Kroz ovaj projekt, trenutno angažujemo preko 2500 učenika iz 9 osnovnih škola, kao i djecu iz vrtića i centara za djecu sa teškoćama u razvoju, čime postižu veliki broj ciljne grupe.

Projekat finansira: (ReLOaD2), koji finansira Evropska unija, a koju provodi Razvojni program Ujedinjenih nacija (UNDP)

Vrijednost projekta: 49.122 KM



Godišnji izvještaj 2024.



Oblikovanje budućnosti Evrope

(2024.-2026.)

Projekt ima za cilj pružiti organizacijama mladih i mladim ljudima u partnerskim zemljama alate, vještine i stavove koji garantiraju značajnu mladalačku participaciju i dijalog s donosiocima odluka, osiguranje građanskog angažmana mladih i pružanje prostora za njihov glas u lokalnoj zajednici, nacionalnoj državi i europskom društvu. Ciljevi projekta su: izgraditi kapacitete organizacija mladih za korištenje inovativnih neformalnih alata i praksi koje potiču angažman zajednice i aktivnu participaciju mladih u javnom životu; poboljšati znanje i kapacitete organizacija mladih za promociju građanske kompetencije i medijske pismenosti kroz neformalno obrazovanje među mladima; potaknuti suradnju i razmjenu najboljih praksi u području rada s mladima u promoviranju aktivne participacije i borbi protiv lažnih vijesti i dezinformacija; podržati kvalitativni razvoj rada s mladima kroz primjenu obrazovnih materijala za kritičko razmišljanje, integrirano rješavanje problema, medijsku pismenost, ljudska prava, leaderske vještine i samorefleksiju

Projekat finansira: Evropska unija
(Erasmus+ KA2 Capacity Building in the Field of Youth)

Vrijednost projekta: 450.566 KM



Godišnji izvještaj 2024.



Zaštita kulturne baštine u BiH uz podršku mreža organizacija civilnog društva – PCH Program

(2024.-2027.)

Opšti cilj projekta je jačanje participativnih demokratija putem konsultacija tokom procesa programiranja i zaštite kulturne baštine između organizacija civilnog društva (OCD) i institucija za kulturu tokom procesa integracije u Bosni i Hercegovini (BiH).

Specifični ciljevi projekta su: - Uspostavljanje formalnih mreža OCD-a koje djeluju u polju kulture za dijalog o politikama s vladama na svim nivoima, kako bi se OCD uključile u razvoj i sprovođenje politika kulturne baštine (Umrežene OCD-a koje djeluju u sektoru kulture sa ciljem zaštite kulturne baštine). - Iniciranje poboljšanja pravnog i institucionalnog okvira za materijalnu kulturnu baštinu u Republici Srpskoj, Brčko Distriktu, Federaciji BiH i na kantonalnom nivou (Uspostavljen pravni okvir u skladu sa ustavom na entitetskom i kantonalnom nivou). - Uspostavljanje pravnog okvira između institucija i OCD-a u oblasti održivog prikupljanja sredstava za obnovu materijalne kulturne baštine (OCD-i i institucije učestvuju u obnovi kulturne baštine). - Jačanje javne svijesti o turističkom potencijalu materijalne kulturne baštine Bosne i Hercegovine (Restaurisana kulturna dobra predstavljena turistima i građanima BiH)

Projekat finansira: Evropska unija

Vrijednost projekta: 1.304.464 KM



Oснаživanje žena: pravo na zajedničku imovinu/nasljeđe i politički angažman

(2024.-2025.)

Glavni cilj ovog projekta je promovisanje rodne ravnopravnosti kroz osnaživanje žena u Bosni i Hercegovini, sa posebnim fokusom na dva ključna aspekta: imovinska i nasljedna prava, te aktivno političko učešće. Ovaj cilj će se postići kroz sveobuhvatan pristup koji uključuje edukaciju, treninge, okrugle stolove, javne kampanje i podršku ženama iz različitih dijelova zemlje. Cilj projekta je osnažiti žene i djevojke u BiH da razumiju i ostvaruju svoja zakonska prava na imovinu i nasljedstvo i podržati ih u prevazilaženju zakonskih i društvenih barijera. Projektne aktivnosti su osmišljene da odgovore na specifične izazove sa kojima se suočavaju žene, koristeći iskustva i resurse iz urbanih sredina za podršku ženama u ruralnim područjima. Ovaj pristup omogućava integraciju različitih perspektiva i iskustava, što je ključno za uspješno promoviranje rodne ravnopravnosti i osiguranje jednakih prava za žene u BiH.

Projekat finansira: Canada Fund for Local Initiatives

Vrijednost projekta: 56.786 KM



Naši projekti

FISHIMPACT

(2024.-2027.)

Projekt koji promoviše principe ESG-a (Environmental, Social, and Governance) i zdrave prehrambene navike radi povećanja konkurentnosti, diversifikacije tržišta i učinkovite komunikacije za potrošače u jadransko-jonskom sektoru akvakulture i ribarstva. FISHIMPACT će prikupljati najnovije informacije o dostupnim oznakama i sistemima certifikacije na nacionalnim, EU i IPA tržištima u vezi sa ekološkim, društvenim i zdravstvenim performansama proizvoda akvakulture, razviti skup ključnih indikatora učinka (KPI) u vezi sa standardima ESG, održivosti kao kao i zdravstvene i nutritivne vrijednosti proizvoda, te sve to uključiti u višjejezični alat za samoevaluaciju za MSP.

Projekat finansira: Interreg IPA ADRION program u okviru Interreg fondova (Evropski fond za regionalni razvoj i IPA III)

Vrijednost projekta: 3.409.263 KM



Godišnji izvještaj 2024.



Naši projekti

Od prepreka do uspjeha: Napredak u zapošljavanju osoba s invaliditetom u sektoru kibernetičke sigurnosti u BiH

(2023.-2024.)

Projekat za područje Bosne i Hercegovine koji ima za cilj povećati zapošljivost osoba s invaliditetom putem obrazovanja iz područja kibernetičke sigurnosti. Kroz projekt će se pružiti podrška za zapošljavanje ili zadržavanje postojećeg radnog mjesta za najmanje 50 osoba. Na početku će se provesti istraživanje tržišta kako bi se razvili kurikulum i edukacijski materijali prilagođeni potrebama poslodavaca. Projekt će uključivati organizaciju pet treninga/obuka iz kibernetičke sigurnosti za najmanje 50 osoba. Nakon edukacija svaki učesnik će imati priliku da se prijavi za: a) Praksu (za nezaposlene učesnike) osam sedmica stažiranja; b) Podršku učesnicima koji nemaju adekvatan hardver da pohađa obuku c) Subvencije za već zaposlena lica da zadrže posao.. Također, bit će razvijeni vodiči o kibernetičkoj sigurnosti i provedena opsežna medijska kampanja za promicanje važnosti ove teme.

Projekat finansira: United States Embassy Sarajevo

Vrijednost projekta: 442.842 KM




CZECH
AID



People
in Need





PRIHODI & TROŠKOVI KROZ GODINE



ZAUVIJEK U NAŠIM SRCIMA





Članica Asociacije
NEŠTO VIŠE
www.nestovise.org

Sarajevo
Dobrinja, Trg Sabora bosanskog
36, 71000 Sarajevo, BiH

Mostar
Humilišani bb,
88000 Mostar, BiH

Istočno Novo Sarajevo
Hilandarska 16,